

Christliche Leichpredigt.

Irthumb sich darwider gestrebet / gewüret vnd geto-
bet / vnd die Besandten des H E X X N mit Feuer vnd
Schwerdt verfolget haben. In diesem fall aber hat
die Allmacht des H E X X N das beste gethan / der hat
seinem Donner krafft gegeben / daß er bey den Hertzen
wol antreffen / vnd durchgedrungen ist / Vnd daß es
recht geheissen / wie im 29. Psalm geschrieben stehet:
Vox Domini in virtute, vox Domini in magnificen-
tia, Die Stimme des H E X X N gehet mit Macht/
die Stimme des H E X X N gehet herlich / Die
Stimme des H E X X N zubricht die Cedern / der
H E X X N zubricht die Cedern im Libanon. Vnd
der Evangelist Marcus spricht am 16. Capitel: Die
Jünger giengen aus / vnd predigten das Wort
an allen Orten / Vnd der H E X X N wircket mit
ihnen / vnd bekreffte das Wort durch mitfol-
gende Zeichen.

Pfal. 29.

Marci 16.

2.
Gnade vnd
barmhertzig-
keit Gottes.

1. Corinth. 12.

Was aber Gottes Gnade vnd Barmhertzigkeit
anbelanget / so blicket dieselbige auch im Beruff der
Heyden mit vollem glantz herfür. Denn dencket doch
selber / meine Beliebten / was sind wir arme Japhiten
vnd Heyden welland gewesen? Antwort: Arme/
elende vnd gebrechliche Leute / von denen der Apostel
Paulus recht spricht / in der ersten Epistel an die Co-
rinthier am 12. Capitel: Wir seynd gekauffen zu
den stummen Götzen / vnd haben denselbigen ge-
dient / Ja wir haben Jesum verflucht / der vnser
einiger Heyland vnd Seligmacher ist. Je wenn
nun Gott der H E X X N mit vns hette handeln sollen

nach

